

陳守山^{*}

總統令

中華民國98年9月8日

華總二榮字第09800216941號

總統府前國策顧問、陸軍二級上將陳守山，寬和通簡，恪敏貞固。幼承忠孝庭訓，矢志投筆從戎，卒業陸軍軍官學校，嗣入各級軍事院所深造。崢嶸歲月，參預抗戰、戡亂諸役，陳師鞠旅，浴血鋒鏑。政府播遷來臺，歷任政治作戰學校校長、總政戰部執行官、陸軍訓練作戰發展司令部司令、軍團司令、陸軍副總司令等職，智略訏謨，迭膺重寄。尤以臺灣警備總司令任內，拓展為民服務內涵，悉力建構嶄新形象；奉行公正崇法廉能守則，強化警備治安動員措施，厲精更始，實效觀成。復調任國防部副部長，應聘總統府國策顧問，論兵研武，襄迪匡贊，迭獲頒一等雲麾勳章暨四十餘座勳獎章等殊榮。綜其生平，秉忘身報國之赤誠，作衛民安邦之楨幹，矩範懋猷，青史聿昭。遽聞高齡殂落，悼惜良殷，應予明令褒揚，用示政府篤念勳耆之至意。

總統 馬英九

行政院院長 劉兆玄

* 編者按：陳守山先生生於民國10年2月20日，卒於民國98年7月2日。